

## carina nekolny

### klanes pornolexikon

#### *face-sitting*

face-sitting wüüsd?  
na daun foa i da  
midn oasch ins gsichd, dass da  
d'lufd wegbleibd, schazzi

#### *big busted ladies*

de wos so an  
großn busn hom dass ma  
si gaunz gmiadlich damid  
zuadekkn kennt

#### *de sakkln*

in de schwoazzn  
gummesakkl, waasd  
wia ma do schwizzd  
des is wia sex and slender you  
auf amoi

#### *dildoneid*

daham  
hob i a vüü  
an scheenan dildo  
ois den do  
a so an wia dein  
hod jo e a jeda

#### *indimschmukk*

den hengsd so aun da voahaud  
aun, dassas  
lappal  
richdig owezaad

*naduasekkd*

naduaschambanja  
zageed auf da  
zungan, waun ma s  
mog  
megn muass mas hoid

*smothering*

waun i di so ferd  
druck zun beischbüü  
zwischen die dittn  
bisd ka lufd mea  
griagsd, haasd des  
smosaring  
hedsd du des gwusd?

*untaweafung*

waunsd da in buff so a  
hoisbaund umhenkn  
losd, daun füüsd di  
wira rattla in  
paak, echd hundig

*hochglanzmagazine*

in denan fudnahefdln  
do siagsd ois des  
wosda fia noamal goa  
ned vuaschdön kaunsd

*zuhälter*

wos mia ned eingeed is  
warum a jeds baa an  
treiba hod  
so a schdrizzi is do voi  
fian hugo

### *schambehaarung*

auf wos i schdee an gscheidn  
boatwisch dea wos kizzld waun  
i mid an aungschbizzdn  
bleschl.... ee scho wissn...

### *oralsex mannfrau*

a fudzuzla is  
a so a oat mittlding  
zwischen feinschbizz und  
zungenadlet

### *apfelbrüstchen*

waun du meine  
dittn ois gössndippln  
vaunglimbfsd kaun i  
nua sogn bessa gössn  
dippln ois a gössnhian

### *liebhaber*

glaubsd hoda  
jeds marienkäfal  
ian gusdobua daham  
sizzn dens in  
beidl grauld

### *heikel*

waun ane a richdige  
zukkabrezn is daun  
muasd ia auf siaß kumman  
sunsd geed goa  
nix

### *abstinenz, unfreiwillig*

schau wias ausfliagn aus  
ira wixkasern de  
rammlkodan kaum dass  
finsda wiad

*anal*

a so an kisdnschiaba  
brauchsd nua es  
foagschdöö hinholdn und  
ea schdeed eam scho

*petting*

mia san ealich  
gsogd die mid de  
feinan fingaln  
de wiaklichn balalaika  
zubfa an liabsdn

*heavy petting*

seidn bravolesn scho  
woitat i imma  
wissn wos des  
sein soi

*menstruation*

waun i die regln  
hob schbüüd  
si nix o  
daun hobi urlaub  
supa